



**Quæstionum Canonicarum, In Quinque Libros
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniis, eorumque impedimentis, ac dispensationibus,

...

Schlüter, Georg

Augustæ Vindelicorum, 1702

Articulus I. Sponsalia de futuro unius cum pluribus.

[urn:nbn:de:hbz:466:1-73058](#)

quia Concilium loquitur de illis casibus ab Episcopo absolvendis, quin nec publici sunt, nec ad forum externum deducti, ut pat. ex cit. c. 6, ibi: liceat Episcopis ab irregularibus omnibus, & suspensionibus, ex delicto occulto provenientibus, exceptâ eâ, qua oritur ex homicidio voluntario, & exceptis aliis deductis ad forum contentiosum &c. at cum hæc censura non incurritur ipso facto, sed per sententiam Iudicis, jam est casus deductus ad forum externum, & quidem cum effectu, ut requirit Barbosa cit. num. 38. ergo non obstante, quod predicto modo casus sit occultus, adhuc non poterit absolvî ab Episcopo.

728. Quæres. 2. quæ sit poena assistentis matrimonio non subditorum? Resp. Parochos, vel Sacerdotes alios, qui sine legitima facultate matrimonio sibi non subditorum assilunt, vel prædictos Sponsos benedicere ausi fuerint, ipso jure tam

diu manere suspensos, quamdiu ab Ordinario ejus Parochi, qui matrimonio interesse debebat, seu à quo benedictio suscipienda erat, absolvatur; sic Trident. de Reform. matr. Sess. 24. c. 1. Hanc suspensionem esse latæ sententiae constat ex verbis: *ipso jure suspensi maneant;* ab ea tamen excusat ignorantia, modò non sit ita crassa, ut sit ingens temeritas; sic Barbosa. in cit. c. 1. Vers. ausus fuerit; constat etiam ex num. 723, imò juxta Castropol. cit. num. 15. modò non sit crassissima. Testes porrò, qui assistunt matrimonio clandestino, vel sine Parocho, vel denuntiationibus culpabiliter omisssis; imò, & Parochus, vel ejus delegatus, qui assistit matrimonio sine debitis Testibus, arbitrio Ordinarii puniendi sunt, cum & ipsi violent inderictum Ecclesiæ, nec poena jure definita sit; Sanchez.

l. 3. hic D. 46. n. 7.

QUÆSTIO IV.

Ad Titulum IV. de Sponfa duorum.

729.

Cum quandoque contingat, vel ab eodem dari fidem conjugalem duabus, vel ab una duobus; ex quo lites variae, & quandoque mala gravia enascuntur; hoc titulo decernitur, quid in ejusmodi casibus agendum? supponimus autem ad ea, quæ dicenda sunt, duobus modis posse alicui ab altero dari fidem de matrimonio. 1. fidem pactionis, quæ nihil aliud intelligitur, quam promissio matrimonii facta mulieri, vel econtra, si per misericordiam rem secum habere; quod non debet intelligi de copula fornicaria (hæc enim conditio, cum sit turpis, habetur pro non adjecta) sed de conjugali, post matrimonium contractum. 2. fidem consensus, quo intelligitur promissio vera de praesenti; his præmissis:



ARTICULUS I.

Sponsalia de futuro unius cum pluribus.

Quæstio est. 1. quid resolvendum in casu, quo unus, vel una pluribus successivè dedit fidem pactionis, seu, quod idem est, si unus, vel una cum pluribus contraxit Sponsalia de futuro? Resp. in hoc casu, si priora non sint legitimè soluta, Sponsum teneri manere cum prima, reliquæ secundâ; quia sic secunda sunt promissio rei illicitæ, nimurum ducendi secundam, contra fidem primæ; quod jure naturæ illicitum est; consequenter secunda sunt invalida, & primis præjudicare non possunt.

Quæstio 2. quid resolvendum in prioritate casu, si Sponsalia secunda sint consummata? Resp. in foro conscientia statuendum, Sponsum teneri manere cum prima, si cum secunda non intercessit fidis consensus, seu matrimonium; ut constat ex dictis; quia sic secunda Sponsalia cum sola

sola fide pactionis nulla sunt; secūs, si intercessit fides consensūs; quia tunc, contra fidem priorum, contractum matrimonium tenet, ut dicimus infra. In foro autem externo pronuntiadum erit pro secula ubi non viget Tridentini decretum irritans matrimonia clandestina, & presumpta presumptione consensūs, ut constat ex priori Tit. Nam iure antiquo, secutā inter sponsos copulā, fides pactionis transibat in matrimonium, secundūm dicta in superioribus; nimurū presumptū presumptionē juris de jure; & ubi decretum illud non viget, res hujus casūs manet sub dispositione juris antiqui.

732. Ques̄tio. 3. quid resolvendum, si quis post sponsalia de futuro, cum alia facit sponsalia de præsenti? Resp. in dato casu eum debere manere cum secunda; quia sponsalia de futuro solvuntur per posteriā sponsalia de præsenti, licet illicetē contracta, & cum alterius injuria; & habetur in c. 1. b. t. ibi: si quis alii mulieri fidem fecerit pactionis, & sub hoc aliam duxerit (nimurū per fidem consensūs) maneat cum illa, quam duxit; non enim refici debet tantum sacramentum.

733. Ques̄tio. 4. quid dicendum in casu, quo quis post sponsalia de præsenti non consummata, contrahit cum alia pariter per verba de præsenti, & consummat? Resp. secunda non valere; atque adeo debere cum prima remanere. Const. ex c. duobus modis. 1. b. t. ibi: si quis autem aliqui mulieri fecerit fidem consensūs, & aliam duxerit, dimittat banc; & adhuc rebit uxori priori; & claris in c. Licet. 3. cod. ubi aperte habetur, quod, mulier post fidem consensūs uni datam (licet carnalis copula non sit subsecuta) separari debet à secundo, cui post primum dedit fidem consensūs, etiam subsecutā copulā carnali, sive factū id sit cum, sive sine juramento.

734. Dices: in c. Licer. h. t. aīt Pontifex: in casu proposito ibid: aliquando ab antecōribus aliter judicatum esse. Resp. aliud non intelligi, quām ab illis in casu particuliā aliter pronuntiatum esse, non statuendo legem communem; sed dicendo solum privatam opinionem suam. ita Sanchez. l. 2. hic D. 14. n. 4.

735. Dices: 2. si una eademque res duabus personis venditūr, & deinde secundo empori traditur, hujus emptio prævalet

adversus primam. L. Quoties c. de re, Vendic. L. fin autem §. si duobus ff. de Publiciana. L. si à Tito, ff. derei Vendic. L. 2. C. de except. rei vendit. Idem procedit in re, duobus pignori obligatā, & secundo tradita. L. Potior. §. 1. ff. Qui potiores; ergo pariter, matrimonio dupliciti contracto, præferri debet secundum, si in eo facta sit corporis traditio per matrimonii consummationem; quod confirmatur. 1. ex L. 1. C. de sponsal. ubi habetur, feminas unius sponsatas, aliis nubere non prohiberi. 2. ex c. 4. b. t. in. 1. Collectione apud Gonzalez. in c. 3. eod. num. 3. ubi solum dicitur: convenientius videri, ut mulier, qua post matrimonium ratum cum uno, alteri nupsit, & matrimonium cum hoc consummavit, debeat primo restitui; & in c. 5. eod. tit. & collect. apud eundem solum dicitur, tutius videri, ut primam in hoc casu habere debeat.

Resp. N. conseq. 1. quia consummatio matrimonii non est traditio corporis ad constitendum jus in ejus usum alteri (hoc enim fit in isto contractu per consensum mutuum cordis, & oris, ut constat ex cit. CC.) sed tantum est usus juris consensu mutuo constituti. 2. quia in emptione traditio facit, supposito contractu, jus in re seu reale; contractus autem solum, solum jus ad rem, seu personale. Unde mirum non est, in civilibus illud huic præferri; præsertim in his, quae non habent rationem Sacramenti; in matrimonio autem jus reale in corpus alterius acquiritur ipso contractu, qui, si solum defuerit, cetera etiam cum ipso coitu, frustrantur; ut dicitur in c. fin. b. t. & adest ratio Sacramenti, per jam tradita superius.

Ad 1. confirmationem ex L. 1. Resp. 736. ibi sermonem esse de sponsalibus de futuro, cum quibus omnino stat matrimonium validè contrahi contra fidem alteri datam. Ad 2. & 3. Resp. ibi non accipi ly convenientius, & tutius comparativè, quasi & oppositum conveniens, & tutum foret; sed pro eo, quod iuxta mentem universalis Ecclesie (non aliquarum privatarum Ecclesiarum) convenienter ejus legibus fieri debet, ne propter accidentem copulam refici debet tantum sacramentum, ut dicitur c. 3. b. t. quia facta semel mutuā fide consensūs, cetera omnia, etiam cum ipso

ipso coitu, frustrantur, c. fin. eod. ut dictum est.

Ex hoc sequitur, matrimonium ratum tantum, etiam non juratum; non solvi, per subsequens, etiam consummatum, & juratum, const. ex cit. c. Licet, & habetur tum in c. Tua Fraternitas. 4. cod. ibi: *si Vir & mulier se recipiunt expresso consensu mutuo de presenti, & alius, antequam se ducent, vel cognoscant, illam defponaverit* (intellige de praesenti) ac traduxerit, neuter eorum (scilicet conjugum) altero superfite, poterit ad alia vota transire; consequenter, secundam defponacionem irritam esse stante primâ; & c. fin. eod. ibi: *si persona juncte legitimè cum aliis, postea factò contrahant, quid prius de jure factum fuerit, non poterit irritari.* Sequitur. 2. matrimonium, etiam ratum tantum, esse impedimentum dirimens matrimonium contrahendum cum alio constante primo; non tamen esse impedimentum dirimens ingressum Religionis. Prima pars constat ex dict. Secunda ex cit. c. Tua Fraternitas, ibi: *etsi possit ad Monasterium transire.*

737. Quæstio. 5. an, qui contra fidem passionis, seu priora Sponsalia de futuro, cum alia contraxit per verba de praesenti, si liberetur à prioribus Sponsalibus, ut hæc omnino extinguantur? Resp. Probabilius esse, non extingui omnino, sed tantum suspensi secundum dicta à num. 264. Ex quo sit, quod talis, qui primæ Sponsæ fidem datum violavit duendo de praesenti aliam, hæc mortuâ justè possit urgeri etiam in iudicio à prima, ut datum fidem, remoto novo obice, quo stante suspensa fuerat, adimplere cogatur.

ARTICULUS II.

Sponsalia de praesenti unius cum pluribus simul.

738. Advertendum, per ligamen, prout usurpatur inter impedimenta dirimentia, intelligi vinculum conjugale prioris matrimonii, quo durante posteriori est irrum; quod, ut certius intelligatur, supponendum. 1. *Polygamiam*, seu plures simul habere Uxores, in lege gratiæ, seu Evangelica inter Christianos, esse illicitum jure divino. Nam, *si quis dixerit, ait*

apertè Trid. Seff. 24. de matr. can. 2. licet Christianis plures simul habere Uxores, & hoc, nullâ lege divinâ, esse prohibitum, anathema sit, quod etiam constat ex c. Gaudemus. 8. de Divort. ubi: Innoc. III. Episcopo Tiberadiensi prescribens sic ait: *dous simul Uxores habere, absolum videtur, & inimicum fidei Christianæ, & ibid. §. licet nulli unquam licuisse, insimul plures habere Uxores, nisi cui fuit divinâ revelatione concessum;* & hanc juridicam sententiam suam ibid. ait, probari etiam testimonio veritatis in Evangelio testantis: quicunq; dimiserit Uxorem suam, nisi ob fornicationem, & aliam duxerit, mechatatur. Ex quo idem Pontifex ibid. §. si ergo, sic concludit: *si ergo, Uxore dimissâ, duci & alia de jure non possit, fortius etiam ipsâ retentâ;* per quod evidenter apparet, pluralitatem in utroq; sexu (nimisrum unius Viri cum pluribus Uxoribus; & unius mulieris, cum pluribus maritis) cùm non ad imparia judicentur circa matrimonium, reprobanda; sic ille. Accedit, quod matrimonium ex institutione divina sit uniuad unam tantum, ut pluribus ostendit P. Sanchez. lib. 7. D. 80. à n. 1. qui num. 3. meritò dicit, non posse sine errore defendi sententiam Cajetani, pluribus locis ibidem citatis docentis: *pluralitatem Uxorium nullibi reperi interdictam; nullibi legem de Unitate Uxorius, in Canonis libris esse scriptam.*

Ex hoc sequitur, polygamiam, in utroq; sexu, Christianis jure positivo, non tantum Canonico, sed etiam divino esse illicitam. 2. secundum matrimonium, inter Christianos, constante primo, utrumque prius citato jure, esse invalidum, seclusâ dispensatione divinâ; consequenter inter eosdem ligamen esse impedimentum jure positivo, humano, & divino, dirimens matrimonium subsequens, constante primo. Dixi inter Christianos. Nam inter paganos (seu non baptizatos) etsi seclusâ dispensatione, etiam jure divino positivo, polygamia, seu secundum matrimonium constante primo, sit irritum, non tamen jure Canonico. Prima pars pat. quia etiam non baptizati divinis legibus, non tantum prohibentibus præcisè, sed etiam annullantibus, ligantur; ergo etiam illi, si constante primo matrimonio sive retentâ, sive dimissâ primâ Uxore